


Weh Wi Ga Fi Seh

2023: Mek dis di yaa
yu tek gud gud kayr a
yu badi ahn soal 

Kriol Kanstitooshan Meetn: Feb. 25

Memba fi kohn tek paat pahn Satideh, Febiweri 25, da Swift Hall eena Bileez Siti (rait kraas fahn, ahn front a, St. Martin de Porres Choch ayraa).

Da di Nashanal Kriol Kongsl poblik meetn fi mek wi si weh unu tink bowt weh di Kriol Kongsl reprizentativ dehn di prizent tu di big govament komiti weh di luk fi si how wi ku mek di Kanstitooshan a Bileez op-tu-dayt wid weh Bileez need tudeh.

Nof tanks ahn big op tu di Kriol Kongsl reprizentativ dehn. Da **Adelia Young** (yooniversiti teeche) ahn **Anthony Sylvester**, (laayaman) hoo di reprizent di Nashanal Kriol Kongsl pahn di

People's Constitution Committee

Pahn tap, di Kriol poblik meetn bowt di Kanstitooshan a Bileez wahn ga wahn ges speeka, **Cynthia Pitts**. Shee noa nof ting bowt di Kanstitooshan a Bileez! Noh mis dis chaans fi mek wi noa weh unu tink.

WEN: Satideh, Febiweri 25, 2023

Weh: Swift Hall (Vernon Street/St. Martin de Porres)

Taim: 10 da maanin sotay noon

Silvaana Udz, Ed.D da fahn Bileez. If yu waahn tel shee bowt sohnting speshal fu put eena dis Kriol aatiki, eemayl: sudz142@gmail.com **Vizit:** www.nationalkriolcouncil.org